



Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 72. Tumultus contra Jesuitas Cæsaraugustæ excitati.

[urn:nbn:de:hbz:466:1-66565](https://nbn-resolving.de/urn:nbn:de:hbz:466:1-66565)

Sæc. XVI.
A.C. 1555.

tentu, quod nonnullos Lusitanos ibi captivos redimere vellet. Porro ad exequendum pium hoc opus secum afferebat pecunias, quarum amore capti Sinenses mansuescere, blandisque auribus Evangelii prædicationem excipere cæperant, cumque Nunnius præprimis cum quodam Sinensi Sacerdote in arenam descenderet, illumque in arctas angustias redigeret, hæc disputatio illius populi curiositatem adeo acuebat, ut ferme innumeri turmatim confluenter Melchiorem percepturi, quamvis inde hic nullum laboris sui fructum reportaret, adeo, ut biennio ibidem exacto in Japoniam reverteretur, ubi in sola Amanuciensi urbe plusquam duo Christianorum millia recensabantur.

§. LXXII.
Tumultus contra Jesuitas Cæsaraugstæ excitati.

Orlandi..15. Verum haud adeo prospera Jesuitis
n.95. & seq. fortuna arridebat Cæsaraugstæ in Hispania, ubi societas varie vexata est ob quoddam Collegium ibidem hoc anno millesimo quingentisimo quinquagesimo quinto erectum: Cum enim iidem Patres quasdam ædes ad ædificationem Collegii, ac Ecclesiæ coemissent, mox instaurato ædificio Patres eo commigrabant, atque a Ferdinando Arragonio Archi-

Archiepiscopo obtenta sacrum ibi cele- Sæcul. XVI.
A.C. 1555.
brandi venia quartam post Pascha feriam
ad solemne cultus Divini initium desti-
nabant, urbisque Primores ad hanc fe-
stivitatem invitabant. Aderant etiam
Fratres Dominicani rem divinam can-
tu solemni peracturi, cunctaque ad hæc
solemnia rite erant disposita, cum ecce!
pridie ad vesperam supremus Archiepi-
scopi Vicarius rogatum mittit, celebrita-
tem tantisper ut different, cum perlatæ
ad se essent quorumdam Religiosorum, ac
Clericorum in propinquuo degentium que-
rebat. Respondit Barma hujus Colle-
gii Rector, eo jam processum, ut dilatio
haud amplius integra esset, proin ulte-
rius procedendum. Postridie paulo an-
tequam Missarum inchoarentur sole-
mnia, adebat vir quidam ignotus, qui
narrat, se a Custode, seu Guardiano
Franciscanorum, quem jurium suorum
conservatorem Fratres Augustiniani se-
legissent, missum, sibique ab eo injun-
ctum, ut ipsius nomine interpositis Ec-
clesiæ censuris prohiberet, ne in eorum
Ecclesia peragerentur sacra, eoque hic
locus Augustinianorum Patrum fines in-
gredetur. Verum ab hoc interdicto
Pater Barma ad judicium Pontificis pro-
vocabat, ac Societatis privilegia exag-
gerans cæpta prosequitur, sacrumque
solemni ritu Fratrum Dominicanorum

Y 3

Prior

Sæcul. XVI. Prior decantat: sermonem vero habet
A.C 1555. Joannes Azovola Ordinis Hieronymiani alumnus, ubi ipse Pro-Rex, pluresque Proceres, aliquae Viri conspicui præsentes aderant,

§. LXXIII.
Jesuitæ excommunicati, urbeque expulsi.

Orland. n.66 **¶ 71.** Cum interea sacrum celebraretur, ad

Collegii fores Vicarii generalis editum affigitur, quo Parochi omnibus suis Parochianis interdicere jubebantur, ne interposita anathematis poena Ecclesiam Jesuitarum frequentarent, vel Sacrificii, vel Verbi divini audiendi, aut Sacramenta suscipiendi studio adirent, moxque Patres excommunicantur, faces in Ecclesia accensæ extinquentur, Socii horrendis carminibus, & execrationibus obruuntur, simulque dirarum plenus funestissima modulatione cantatur Psalmus Davidis centesimus octavus, qui ab hisce verbis incipit: *Deus laudem meam ne tacueris.* Denique nil prætermissum, quod in impios, facinorosos, & detestandos Ecclesiæ, Deique hostes alias evomi consuevit, cum vero in ipsam etiam urbem interdicti fulmen esset intortum, quamdiu Patres ibidem morarentur, hinc ut imminens periculum evitarent, aut non forte etiam ipsorum ædes incenderentur, secedere